



DEMOKRAATIT
DEMOKRATERNE

11. Maj 2017

UPA/FM 2017/112
Mala Høy Kúko

Tunumiut Kalaallisuuinik Kalaallisuliornermut Ilanniarfissamik Naalakkersuisut Tasiilami pilersitsiniarnissaat pillugu peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq, Laura Taunâjik, Siumut)

Siunnersuuteqartoq Inatsisartuni ilaasortaq Laura Taunajik tunumiut Kalaallisuuinik Kalaallisuliornermut Ilanniarfissamik Naalakkersuisut Tasiilami pilersitsiniarnissaat pillugu peqquneqarnissaannik Inatsisartut aalajangiiffigisassaattut siunnersuutaanut. Imaattumik ATASSUT-miit Demokraat-iniillu oqaaseqassaagut.

Siullermik qujaffigerusupparput siunnersuuteqartoq Laura Taunajik siunnersummut nuannersumut.

Kalaallit Nunatsinni ulloq uagutsinnut pingaartitatsinnut takkuttoqaraangat ullorsiorfinni pingaartittuartuvarput kusanartunik atisaqarnissaq. Tamannalu uagut siulitta atisat atortarsimasaat aallaavigalugit massakkut assualeraangatta siulersuarput eqqaallugit ataqqillugit nuannaarluta atukkersortarpugut.

Knud Rasmussen-nip filmiliaani Paalup nuliarsarnerani takuneqarsinnaavoq qanga siulitta atisamikkut atortuutitigullu pisuutigisimagaluarnerat. Massakkut ukiut ikittuinnaat qaangiukkaluartut tamakkua tammakartutut taaneqarsinnaasutut oqaatigineqarsinnaapput. Taamaammat siunnersuutigineqartoq tunumiut kalaallisuliornermik ilanniarfissaannik pilersitsiniarneq ATASSUT-miit demokraatit-nillu tulluartutut isigaarput.

Uani UPA 2017 ATASSUT-miit ataatsimiilinnginnitsinni siunnersuuteqarsimagaluarpugut, piorsarsimassutsikkut tunngasumik ilanniarfissamik siunissamut ujartuilluni periarfissarsiornissaannik Naalakkersuisut peqquneqarnissaannik Inatsisartut aalajangiiffigisassaattut siunnersummik. Siunnersuullu uunga massakkut siunnersuutigineqartumut



DEMOKRAATIT
DEMOKRATERNE

taputartuunneqarsinnaaneranik tulluarsinnaasumik, kisiannili ajoraluwartumik tunngavilersuutit naammagineqarnartik siunnersuutigisat allat ilanngullugit uterteqqiinnarnikuupput.

ATASSUT-minngaaniit siunnersuuteqaraluarneq makkuninnga imaqaraluarpuit; qaannanik sanasinnaaneq poorsisinnaaneq, umianik sanasinnaaneq poorsisinnaaneq, qamutinik sanasinnaaneq, qilaammillu ilinniartitsisinnaaneq assigiinngitsunik sammivilerlugu. Tamakkulu kalaallisuliorfissamut siunnersuutigineqartunut ilanngunneqarsinnaanissaat ATASSUT-miit demokraatiniillu ataatsimiititaliami eqqartorneqalerpat ilanngunneqarsinnaanissaat kissaatigissuarput.

ATASSUT-minngaaniit demokraatit-niillu ilisimaarivarput Tasiilami eqqaanilu inuit sannarilluinnartuusut, qulaanilu taakkartorneqartut sapersaatiginagit suliarilluarsinnaassagaat. Inuuusuttut ilaat assigiinngitsorpassuit pissutigalugit atuarfeqarfinni ingerlariaqqinnissaminni angummassinnaangitsut kalaallisuliorfissaq pilersinneqaraluarpat periarfissinneqassagaluarput inuunermi alloriaqqiffissat ilaannut, kiisalu qangarsuaaniilli piorsarsimassutsimik kingornussinissaminut ingerlatitseqqissinnaanissaannik.

Tunumi suliffissaaleqineq annertummat uani siunnersuut tunumiut kalaallisuuannik ilinniarfissamik pilersinneqassappat ATASSUT-miit aamma demokraatit-niillu suliffissaaleqinerput millitaasaasinnaanera neriuutigilluinnarparput.

Siunnersuutigineqartoq akuersaarneqassappat naatsorsuutigilluinnarparput tunumiut namminneq nunaminni pilersinniarneqartoq tigulluarumaaraat.

Taamatut naatsumik ATASSUT-miit demokraatit-niillu oqaaseqarluta siunnersuut taperserluinnarlugu ataatsimiititaliamut susassaqartumut nalilersuilluarneqarnissaanik kissaassivugut.

Qujanaq!